

sumitur pro multo majore, ut ab Aristotele in mechanicis de rhombi diametris.

3 *Ratio est duarum magnitudinum homogenearum secundum quantitatem inter se quedam habitudo. Hæc definitio (si habeat pro magnitudinū, rerum) tota logica sit. Homogenia autē in cōparatione geometrica solā nō requiritur: in numeris homogenia nulla requiritur. Omnes. n. omnino sunt inter se cōparabiles, & cōparationis ratio in his quælibet explicabilis etiā numero. In geometricis autē reb. videatur ratio homogeniā postulare: ut linea inter se, nō cū superficie, & superficies inter se, nō cū corpore, corpora deniq; inter se cōparentur. Nec tamē in omnib. homogeneis ratio ipsa explicabilis est. Est. n. aliquādo ἀλογία ἀριθμητική surda & inexpli- cabilis: ut inter latus & diagoniū quadrati, inter axē & latus icosaheđri & dodeca- heđri, imo verō ratio ista, quam sibi definiendam proponit Euclides æqualitatis & inæqualitatis, communis est omnium rerum: lineaque superficie corporique cō- parari potest, sic i 4 lib. elementorum comparantur corpora, superficies, linea inter se, & sic lunula Hippocratis quadratur, & anguli obliquilinei rectilineis æquantur, ut antea demonstratum est: Tumque in utroque spectatur una dimensio: ne- que quicquam novi affert ista Euclidis definitio, quod non antea vel grammatica docuerit, quæ res jubet comparari tantūm homogeneas. Virtus est auro nobilior, utrumque igitur nobile. Scævola juris peritorum eloquentissimus, Scævola igitur juris peritus: neque verō quod animadverterim aut meminerim definitio hæc post- ea ad ullum usum appellatur. Campanus hic docet ab Euclide rationem rectē esse definitam, quia Aristoteles ait proprium esse quantitatis æquale, vel inæquale di- ci. At non videtur Campanus satis animadvertere quantitatem hanc logicam esse omnium entium, etiam non entium communem differentiam, ut Aristoteles no- minat in metaphysicis docet, ut docet etiam in topicis locum esse communem omnium rerum à paribus, majoribus, minoribus. Itaque ratio pro generali compa- ratione quantitatis æqualis vel inæqualis non justius hic definitur, quām definire- tur species vel syllogismus.*

4 *Proportio verō est rationum similitudo. ἀναλογία deinceps seu proportio consi- mili logica definitur, & quidem elenco absurdiore, præsertim ab Aristotele com- monstrato. Aristoteles enim 3 cap. 1. post. ait ἀναλογίαν τινὰ ὄντας οὐδέ, non esse nume- rorum, neque magnitudinum, & sophisticam talem esse doctrinam numeris aut magnitudinibus accommodatam: unde & ἀναλογίαν αἰσθατὴν (quæ communior est) cum proportioni & disjunctæ & continuæ conveniat, magis etiam logicam esse in- telligimus. Aristoteles tamen 3 cap. 1 lib. ad Nicomachum videtur attribuere nu- meris analogiæ doctrinam, cum ait: τὶ τὸν αἱ ἀλογὸν οὐ μόνον δὲ μοναδικὸν αριθμοῦ ἔχειν, αἱ- λαὸς αἱρεθεῖν. Analogia non solum est absoluti numeri propria, sed omnino nu- meri, tanquam diceret analogiam esse numeri quidem propriam, sed ita ut nume- ratis rebus conveniat. Verūm cum idem ait, ut sutor est, ad calceum, sic architec. us ad domum, non dicit rationem duplam sesquialteram, aut quampiam aliam nu- meratarum rerum, sed generaliter & logicè loquitur. Quare Aristoteles ille logi- cus accurrior est hoc ethico, qui tamen non pater Aristoteles, sed filius quibusdā videtur. Sed proportio definitur ab Euclide ὁμοιότης similitudo rationum, magis*